

永樂大典

卷一三九 宋字

卷一四〇 宋字

卷一四一 宋字

卷一四二 宋字

永樂大典卷之一萬二千三百九十九

一送

宋

仁宗

李燾續通鑑長編慶曆二年春正月庚戌詔近分陝西緣邊爲四路民乃
經略安撫招討等使自今路分部署鈐轄以上許與都部署司同議志
路分都監以下並聽都部署等節制違者以軍法論詔河北京東西民
間以歲不稔伐樹撤屋鬻賣甚多宜令轉運司以省錢依價收市修蓋新
添軍營又詔京西轉運司速發省倉粟貸民戶二石此並據朔州辛亥詔
武成節度使同平章事駙馬都尉柴宗慶赴本鎮權御史中丞賈昌朝言
宗慶前在鄭州貪污不法若更令赴本鎮恐益以殘民乃詔宗慶仍留京
師東頭供奉官閤門祗候李志勲落職降監當初志勲爲京城東巡檢
累獲賊因擢爲閤門祗候使捕浙東軍賊鄂鄰而所過逗遛不行故責及
之詔麟府路兵馬罷癘不任征役者從近裏州以省邊費癸丑知慶
州范仲淹請給樞密院宣及宣徽院頭子空名者各百道緩急書填以勸
賞戰功及招降蕃部從之按仲淹奏議乞宣頭乃議攻守二策貼黃員錄不載

二策獨載貼黃不知何也。二策已附去年十一月仲淹又言朝廷每有機密文字下都部署司緣本司官負數多難以衆議乞止下經略招討司貴不漏洩從之。去年十一月二十九日奏。今報可。丁巳命翰林學士聶冠卿權知貢舉。初端明殿學士李淑侍經筵訪以進士詩賦策論先後俾以故事對淑退而上奏曰。唐調露二年劉思立爲考功員外郎以進士止試策滅裂不盡其學請貼經以觀其學。試雜文以觀其才。自此沿以爲常。至永隆二年進士試策雜文通文律者始試策。天寶十一年進士試一大經能通者試文又通而後試策五條皆通爲中第。建中二年趙贊請以時務策五篇論表贊各一篇以代詩賦。大和三年試帖經略問大義取精通者次試論義各一篇。八年禮部試以帖經口義次試策五篇問經義者三問時務者二厥後變易遂以詩賦第一場論第二場策第三場帖經策四場。今陛下欲求理道不以彫篆爲貴得取士之實矣。然考官以所試分考不能通加評較而每場輒退落士之中否特係於幸不幸爾。願約舊制先策次論次賦次帖經墨義而敕有司并試四場通較工拙毋以一場得失爲去留。詔有司議稍施行焉。此議按本志與罷殿試相聯書之。不得其時。今附命官知貢舉後淑以慶曆元年六月出知許州矣。自元昊反聚兵西鄙並邊入中芻粟

者寡。縣官急於兵食。且軍興用度調發不足。因聽入中芻粟。予券趨京師。推貨務受錢。若金銀入中。他貨予券償。以池鹽由是羽毛筋力膠漆鐵炭瓦木之類。一切以鹽易之。猾商貪人乘時射利。與官府吏表裏為姦。至入榷木。二估錢千。給鹽一大席。大席為鹽二百二十斤。虛費池鹽。不可勝計。鹽直益賤。販者不行。公私無利。朝廷知其弊。戊午用三司使姚仲孫請。以度支判官刑部員外郎祕閣校理范宗傑為制置解鹽使。往經度之。詔復京師推法。宗傑請凡商人以虛估受券。及已受鹽未鬻者。皆計直輸虧官錢。內地州軍民間鹽。悉收市入官。為置場增價而出之。復禁永興華耀河中陝號解晉絳慶成十一州商賈。官自輦運。以衝前主之。又禁商鹽私入蜀。置折博務於永興鳳翔。聽人入錢。若蜀貨易鹽。趨蜀中以售。詔皆用其說。京兆府布衣雷簡夫隱居不仕。樞密使杜衍薦之。召見論邊事甚詳。上悅。令中書檢真宗用種放故事。呂夷簡言士大夫有口才者未必能成事也。請姑試之。乃以為校書郎。秦州觀察判官簡夫孝先子也。貸三京鄭孟宿毫泗五州浚汴河丁夫糧。人一斛。壬戌分遣內臣往河北路。催募兵及萬人者賞之。詔陝西蕃族內附而無親屬者。並送京西州郡。處以閑田。知慶州范仲淹前奏攻守二議。詔答以將帥累經挫衄。未甚勇。

累若幸於或勝。恐非良籌。假令克獲。又煩守備。若且勤於訓練。嚴加捍禦。遠設探候。制其奔衝。見利乃進。觀釁而動。庶可以養銳持久。卿宜深體此意。與鄰路互相應援。協心畢力。有便宜密具以聞。仲淹復奏曰。國家太平日久。而一旦西賊背德。凌犯邊鄙。公卿大夫爭進計策。而未能副陛下憂邊之心。且議攻者。謂守則示弱。議守者。謂攻必速禍。是二議卒不能合也。臣前王延安初請復諸寨。爲守禦之備。次則幸其休兵。輒遣一介示招納之意。朝廷以群言之異。未垂采納。今臣領慶州。日夜思之。乃知攻有利害。守有安危。何則。蓋攻其遠者。則害必至。攻其近者。則利必隨。守以土兵則安。守以東兵則危。臣謂攻遠而害者。如諸路深入。則將無宿謀。士無素勇。或風沙失道。或雨雪彌旬。進則困。大河絕漠之限。退則有乘危扼險之憂。臣謂攻近而利者。在延安慶陽之間。有金湯白豹之隅。本皆漢寨。沒爲賊境。隔延慶兵馬之援。爲蕃漢交易之市。姦商往來。物貨叢聚。此誠要害之地。如別路入寇。數百里外。應接不及。則當遠爲牽制。金湯白豹等寨。可乘虛取之。因險設陣。布車橫塹。不與馳突。擇其要地。作爲城壘。則我無不利之虞。至於合水。華池。鳳川。平威。業遠。德靖六寨。兵甲糧斛。可就屯泊。固非守備之煩也。又環州定邊寨。鎮戎軍乾興寨。相望八十餘里。二寨之間。有

胡盧泉。今屬賊界。爲義渠朝那二郡之交。其南有明珠滅臧之族。若進兵據胡盧泉爲軍壁。北斷賊路。則二族自安。宜無異志。又朝那之西。秦亭之東。有水。洛城亦爲之限。今策應之兵。由儀隴二州十驛始至。如進修水洛。斷賊入秦亭之路。其利甚大。非徒通四路之勢。因以張三軍之威也。臣謂守以土兵則安者。以其習山川道路之利。懷父母妻子之戀。無久戍之苦。無數易之弊。謂守以東兵則危者。蓋費厚則困于財。戍久則聚其怨。財困則難用。民力日窮。士心日離。他變之生。出於不測。臣所謂攻宜取其近。而兵勢不危。守宜圖其久。而民力不匱。招納之策。可行於其間。今奉詔宜令嚴加捍禦。觀釁而動。與隣道協心。而共圖之。又觀敍文。謂彼無騷動。則我不侵擾。臣恐賊寇一隅。遠在數百里外。應援不及。須爲牽制之策。以沮賊氣。至時諸路重兵。豈能安坐。如無素定之畫。又無行營之備。恐當牽制之時。茫然無措。雖見利而莫敢進。雖觀釁而莫敢動。寇至愈盛。邊患愈深。叛亡之人。日助賊筭。不可不大爲之謀也。願朝廷於守策之外。更備攻術。彼寇其西。我圖其東。彼寇其東。我圖其西。寧有備而不行。豈當行而無備也。所謂備者。必先得密旨。許抽將帥。便宜從事。并先降空名宣頭之類。恐可行之日。奏請不及。臣前曾遣人入界。通往來之問。或更有人至。不可不答。

如朝廷先降密旨。令往復議論。歲年之間。當有成事。若謂邊將之恥未雪。而不欲俯就。臣恐諸路更有不支。其恥益大。賊或潛結諸蕃。并勢合謀。則禦之必難。且自古兵馬精勁。西戎之所長也。金帛豐富。中國之所有也。禮義不可化。干戈不可取。則當任其所有。勝其所長。此霸王之術也。臣前知越州。每歲納稅絹十二萬。和買絹二十萬。一郡之入。餘三十萬。儻以啖我。是費一郡之入。而息天下之弊也。詔陝西諸路經略招討司參議以聞。據范仲淹奏議。先議攻守二策。因梁適費回赴闕。詔荅仲淹。今與隣道互相應援。故仲淹復上此。實錄削其前議。但存後章。今前議已附去年十一月。未。癸未。詔磨勘院。自今提點刑獄朝臣代還。列功過三等以聞。上等除省府判官轉運使副。中等除大藩一任。然後升陟之下等降知州。又詔御史臺舉屬官事。太常博士以上。兩任通判三人中。御筆點一人。如聞難於得人。自今聽舉一任通判。及三丞。該磨勘者二人選之。甲子。詔河北河東陝西轉運司。體量知縣縣令幕職官老疾不任事者。以名聞。詔自今南郊。臣僚在假不赴朝參者。無得奏乞骨肉恩澤。乙丑。詔以同州沙苑監牧地為營田。又詔府州擇建安指揮之材勇者。為揀中建安指揮。以隸禁軍。丙寅。詔奉使契丹不得輒自賦詩。若彼國有請者聽之。丁卯。

賈昌朝請罷舉人試院所寫策題從之。補環慶路內附偽國練使訛乞為懷化將軍給供奉官巡檢俸。辛未以大相國寺新修。太宗御書殿為寶奎

殿摹太宗御書寺額于石上飛白題之。命宰相呂夷簡撰記章得象篆額。樞密使晏殊撰御飛白書記。秦州言築東西開城成賜總役官吏金帛有差

初知州韓琦以為州之東西居民及軍營僅萬餘家皆附城而居無所捍蔽因請築外城凡十里計工三百萬自十月起役至是成之。癸酉徙秦鳳副部

署殿前都虞候感德軍留後李昭亮為永興軍部署韓琦言昭亮本貴家子平生未識行陣故徙之。二月乙亥朔審官院言河北河東陝西諸州請權令

京朝官知錄事參軍從之。丙子廢渭州定川寨。丁丑召權御史中丞賈昌朝侍講邇英閣故事臺丞無在經筵者上以昌朝長於講說特召之。知

秦州韓琦請降樞密院空名宣頭五十道以賞屬羌之有功者從之。契丹謀聚兵幽薊遣使致書求開南地知保州衣庫使王果先購得其書葉以聞且

言契丹潛與吳賊相結將必渝盟請自廣信軍以西緣山口賊馬出入之路預為控守詔劄付河北安撫司密修邊備杜惟序亦先購得契丹書葉以

聞而實錄不書疑惟序所奏在王果之後也庚辰詔滄州鈴轄洛苑使普州刺史楊懷敏只以巡隄為名權住莫州與知雄州六宅使惠州刺史杜惟序

等。同管勾機宜司事。此據朔府詔秦州。自今唃廝囉及外國進奉人並約
定人數令赴闕。其所進方物以本城軍士傳送之。勿令自雇庸人。嘗有詔於
永寧寨。以官屋五十間。給唃廝囉收貯財物。韓琦奏曰。使外夷居邊城。非
便。未敢奉詔。詔曰。唃氏已有謝表。不可失信生事。兼不與屋宇。亦不絕秦
州往來。可於閑慢處修蓋。常關防覺察之。琦曰。秦州居常蓋暫往來。今既
許置屋貯財。必留人主守。豈能旦夕伺察。使朝廷舉動皆知。况契丹元昊
亦未曾緣邊給屋。昨楊勤至龜茲。一行皆鏢之於館。我使至唃氏在驛。亦
禁出入。遠蕃於中國。尚備慮如此。防微杜漸。不可忽也。臣以爲勿給便。從
之。此傳韓琦家傳附見。舊制諸州薦貢者。既試禮部。則引試崇政
殿。而知制誥富弼言曰。國家沿隋唐設進士科。自咸平景德已
來。爲法尤密。踰於前代。而得人之道。或有未至。夫省試有三長。
殿試有三短。主文衡者四五人。皆一時詞學之選。又選命館閣才臣數人。
以助考校。復有監守巡察。糊名謄錄。上下相整。不容毫釐之於一長
也。引試三日。詩賦所以見才。藝策論所以觀才識。四方之士得以盡其
所蘊。二長也。貢院凡兩月餘。研究差次。可以窮功盡力。三長也。殿試
考官泛取而不擇一短也。一日試詩賦論三篇。不能盡人之才。二短也。考

校不過十日。不暇研究差次。三短也。若曰。禮部放榜。則權歸有司。臨軒唱第。則恩出主上。則是忘取士之本。而務收恩之末也。且歷代取士。悉委有司。獨後漢文吏課殿。奏副之端門。亦未聞天子親試也。至唐武后載初之年。始有殿試。此何足法哉。必慮恩歸有司。則宜使禮部次高下以奏。而引諸殿庭。唱名賜第。則與殿試無所異矣。辛巳詔罷殿試。而翰林學士王堯臣同修起居注梁適。皆以爲祖宗故事。不可遽廢。越三日癸未。詔復殿試如舊。詔陝西兵官不帶路分。及知州者。無得給親兵。知延州龐籍言近詔詳范仲淹所上攻守之策。及仲淹近遣本州推官張問至。具述延慶之間。合力出兵之議。臣竊惟虜衆之舉。費糧不過十日。而利於連戰。短於攻城。彼攻我城。則常多死傷。我連與戰。則屢成剝削。若諸城寨有樓櫓矢石。芻糧水泉之具。即委之使攻。既齎無久糧。野無所掠。就使十日不退。我以重兵乘之。觀釁而動。誠得全禦戎之計。萬一它路力不能支。須至用仲淹之策。然由德靖出師。路緣洛河。涉春泥凜。步騎難進。若久留賊界。人心多搖。川谷之險。皆可以邀擊。我軍意外之虞。恐不能盡如豫筭。或寇深患大。亦不免與仲淹合謀而入。擇地而攻也。仲淹所陳。守用土兵。則安。用東兵。則危。今土兵之數無多。而難於招募。東兵亦未可去也。且當撫馭訓練。興

營田減冗費爲持久寬民之計。賊來則力禦之。有隙則間謀之。以俟其弊。且西羌之俗。歲時以耕稼爲事。略與漢同。近年屢有點集。人多失業。每入寇邊郡。計其掠獲。未足償其所費。人尚不樂。君堅壁清野。使無所得。則勢必益窮。心必益恣。歲月之間。累變必生。志危勢動。然後招納之策始可行焉。仰料朝廷固不吝財貨以安方隅。但深思極慮。有大於此者矣。知秦州韓琦言。范仲淹議進兵修水洛城。通秦渭。道路穿蕃。生戶幾二百里。計其土工亦數百萬。止可通二州援兵。亦未能斷絕西賊往來。近築秦州開城。方畢。尚有衝要城寨。當修治者甚多。未敢再勞人力。詔從琦請勿修。此據琦家傳。附見龐籍疏後。乙酉。詔陝西緣邊經略招討司。戰兵身無它傷。而被賊剝耳鼻。或遺失器甲。剥去衣服者。斬。中書樞密院奏言。諜報虜破蕩贍。種族帳。欲與唃廝囉相攻。請令韓琦遣人諭唃廝囉。多方捍禦之。奏可。丙戌。太常博士。天章閣侍講林瑀。落職。通判饒州。先是瑀奉詔撰周易。天人會元紀。其說用天子即位年月日辰占所直卦。以推吉凶。且言自古聖王即位。必直乾卦。若漢高祖及太祖皇帝皆是也。書成上之。詔學士院看詳。皆言瑀所編纂。事涉圖緯。乞藏祕閣。詔賜瑀銀絹各五十兩。足。御史中丞賈昌朝嘗面折瑀所言不經。瑀與昌朝辨於上前。由是與昌

朝廷。及是瑀又言上即位。其卦直需。其象曰。雲上於天需。君子以飲食燕樂。臣願陛下頻出宴遊。極水陸玩好之美。則合卦體。當天心矣。上駭其言。因問太祖即位直何卦。瑀對非乾卦。問真宗對亦然。上始厭瑀之迂誕。昌朝即劾奏瑀。儒士不師聖人之言。專挾邪說罔上聽。不宜在經筵。上乃謂輔臣曰。人臣雖有才學。若過爲巧僞。終涉形迹。遂罷絀瑀。而命著作佐郎。崇文院檢討趙師民爲崇政殿說書。師民臨淄人也。八歲喪父。哀慟如成人。九歲能屬文。家貧借書讀。已輒還。人恠其速。叩問皆已成誦。舉進士時。曹瑋李迪在青州。聞師民名。遣人敦請。乃見。就試禮部。四方士環觀。通衢中。劉筠知舉。獨置坐席于都堂前。諸生皆間筆從之。天聖末。考中等。或曰。師民乃青之大姓。麻氏甥。麻氏坐豪侈踰制。賊殺親屬。誅師民。不可以先多士。遂降等。及第。孫奭辟兗州說書。領諸城主簿。師民學問精博。奭自以爲不及。夏竦尤所奇重。稱爲盛德君子。論其文行。乞回兩子恩授。以京秩除齊州推官。青州教授。更天平軍節度推官。年五十來京師。近臣張觀。宋庠。王堯臣。龐籍。韓琦。明鎬。列薦爲國子監直講。兼潤冀二王宮教授。改著作佐郎。宗正寺主簿。加崇文院檢討。林瑀既逐。師民遂代其任。實錄載林瑀事不詳。取司馬光記聞。及朔眉魏泰東軒錄。并王安石王珪所作實

昌朝募誌神道碑。增修趙師民事記。聞又與正傳別。今從正傳。詔陝西轉運司。自今無得差知縣出外。仍遣大理寺丞安保衡等五人。往本司以備差使。余靖諫。草有此請。然靖此時未復館職。恐不緣靖也。戊子。詔嘗歷省府推判官。轉運使副。提點刑獄朝臣。及少監卿以上。物故者。十年內。與其親弟姪子孫一人。家便官。升涇原路靜邊等寨新置蕃落指揮隸禁軍。己丑。崇儀副使王整同提點河北刑獄。詔整嘗假六宅使。奉使北朝。令北使過境。恐訝其官名不同。特與改此使額。知諫院張方平言。伏以崇儀六宅。頗為超越。北使之來。提點刑獄。不預賓主之事。整雖在職。使人豈知。即恐以假官為嫌。自應改授別路。每歲所遣使介。例皆假官以行。回而効整之為。遂成真拜之例。今政之大弊。為多。倖人塞其蹊隧。猶不可。若又啓之。何以為政。加整誠有是請。原情深涉欺誣。必朝廷懲沮纖邪。修明法度。不惟宜停恩旨。顧當下從吏議。別行譴斥。以戒為臣整尋徙它官。整徙它官。不見於實錄。但十二日除整。十八日又除王儀。必以方平之言故也。然儀文良整則武臣。又恐非代整者。但八月己亥。整又安撫京東。則亦徙它官矣。方平稱假洛苑使。按整去年實假六宅使。今從實錄。辛卯。知秦州韓琦請罷本州所招護塞軍。增置蕃落二指揮從之。壬辰。賜太子中舍陸

秉進士出身。仍改太子中允。秉即東也。先召試學士院。賜出身。輒拒不受。坐責。至是更赦。乃復予之。貸開封府諸縣貧民常平粟人三斗。戶不得過二石。乙未。詔真定府定州。天雄軍。澶州。各備兵馬十萬人。芻糧二年。及器甲五萬副。又詔河北路提點刑獄。視所部州軍城隍應修者。悉修之。又詔河北諸州強壯。自三月後。並赴州閱習。安知州擇其強勁者。刺手背爲義軍。不願者釋之。而存其籍。以備守葺城池。自是強壯寢廢矣。詔始下。人情訕訕。河北轉運使李昭述。乘疾置日行數舍。問諭父老。衆始安。河北強壯。自三月後。赴州教閱。安知州揀刺義勇。及提刑按視城隍。並據朔曆增修。實錄不詳也。不願者釋之。及強壯自此廢矣。據兩朝兵志。李昭述事今附見。熊克九朝通畧。昭述宗諱子也。河北安撫司。請令緣邊都

巡檢司。潛益兵馬。及詔河北管軍臣僚。密作備禦。從之。此亦據朔曆。丙申。賜麟府路。修築堡寨役卒緡錢。徙真定府定州路。都部署宣徽南院使。天平節度使。夏守贊。爲高陽關都部署。守贊自言高陽關路。乃在真定府定州下。尋命守贊兼判瀛州。丁酉。升河北廳子馬。及無敵招收軍。並隸禁軍。仍詔輦致本路諸縣鎮糧草入州城。河北安撫司。請下緣河州軍。密造戰船。詔京東西路。造五百隻。赴河北。戊戌。召知陳州河陽三城

節度使楊崇勳赴闕。此據朔曆。己亥。中書樞密院言。剗刷到外處就糧馬步軍六十四。指揮一萬三千八百四十人。欲並遣赴澶州駐泊從之。辛

丑。以新知澶州保靜軍留後王德用為保靜軍節度使。契丹將渝盟。上起德用於曹州。復留後知青州。不數日改澶州。入見上流涕。言臣前被大罪

陛下幸赦而不誅。今不足辱命。上慰勞曰。河北方警。藉卿威名鎮撫爾。又賜手詔以遣之。即拜節度使。衣庫使知保州王果領賀州刺史兼高陽

關鈴轄。詔殿前馬步軍司給衣甲教閱在京諸軍。仍差近上內臣二人提舉之。三月甲辰朔。兵部負外郎集賢校理張鼎之為直史館。河北路轉

運使從三司使姚仲孫所舉也。復太常博士余靖為集賢校理。詔殿前副都指揮使高化馬軍副都指揮使李用和步軍副都指揮使曹琮舉

諸軍指揮使以上有膽勇方略堪任將領者各二人。入內都知張永祁內侍都知王守忠舉武臣各二人。諸路轉運使副使各一人。乙卯。詔河北

北歲積雨壞道塗。其塹官路兩旁闊五尺深七尺。民田各於封界闊三尺深五尺。以泄水潦。限半年畢工。中書樞密院奏乞簡河東弓手有武勇

者。不刺面為義勇指揮。陝西弓手刺面為保捷指揮從之。實錄不云保捷刺面。此從朔曆。丙辰。復河陽三城節度使楊崇勳同平章事判定州兼真

定府定州路都部署。丁巳。命樞密使杜衍爲河東宣撫使。翰林學士承旨丁度副之。諸州軍刑獄罪疑可閔者。並從輕決。無令淹繫。本路諸軍各差緡錢。其屯兵多處。加燕犒之。王益柔傳云。杜衍宣撫河東。益柔寓書。言河外兵餉無法。非易。中臣與轉運使。則邊鄙不寧。因條其可任者。與衍意合。

此事當考。慶曆四年五月。益柔始除集校。已未。詔軍頭司。擇沙門島放還罪

人之伉健者。隸近京歸遠壯勇指揮。環慶路都部署。請於柔遠寨東節

義烽馬鋪寨。擇地益建城寨。以牽制賊勢。涇原路又請於細腰城屬羌地內建寨。以接兩路出兵。並從之。四年十二月。乃城細腰。此時未也。但有請

耳。庚申。魏國大長公主。乞加贈故太儀方氏。詔贈淑妃。辛酉。右諫議

大夫參知政事晁宗慤罷。爲給事中。資政殿學士。以久被疾故也。壬戌

茭村族三班殿侍折馬山。爲三班奉職。馬山領衆攻西賊。所置新寨。斬首級甚衆。特遷之。甲子。詔河北緣邊州軍置場買馬。從閤門祗候侍其濟

之請也。乙丑。御崇政殿。賜進士楊真等二百三十七人及第一百二十

二人出身。七十三人同出身。真察弟初試國子監禮部皆第一。及是帝臨

軒。啓封見姓名。喜動于色。謂輔臣曰。楊真也。公卿相賀。爲得人。授將作監丞。通判潁州。未至官。持母喪病羸卒。無子。詔賜其家錢五萬。米麥各五十

斛。絹五十匹。賜物在四年二月令并書。丙寅。賜諸科及第并同出身者四百七人。又賜特奏名進士諸科三百六十四人。同出身及補諸州長史文學。中書言三司每歲買紅花紫草各十萬斤。民不能供。詔止買五萬斤。禁中及外人應給紅紫羅帛者。給染價。丁卯。知青澗城种世衡請募蕃兵五千。左手虎口刺忠勇二字。令隸折馬山族從之。上封者。因請募屬戶。給以禁軍廩賜。使戍邊。悉罷正兵。下其章四路安撫使議。環慶路范仲淹上言。熟戶戀土田。護老弱牛羊。遇賊力鬪。可以藩蔽漢戶。而不可倚爲正兵。大率蕃情黠詐。畏強凌弱。常有以制之。則服從可用。如去正兵。必至驕蹇。又今蕃部都虞候至副兵馬使。奉錢止七百三百。悉無衣廩。若長行遽得禁軍奉給。則蕃官必生微望。况歲罕見敵。何用長與廩給。且錢入熟戶部族。資市牛馬青鹽。轉入河西。亦非策也。以臣所見。不若遇有警。旋以金帛募令禦賊。爲便。議遂格。仲淹議據兵志已已。契丹遣宣徽南院使歸義節度使蕭英。翰林學士右諫議大夫。知制誥。同修國史。劉六符來致書曰。弟大契丹皇帝謹致書兄大宋皇帝。粵自世修歡契。時遣使輶。封圻殊兩國之名。方冊紀一家之美。蓋欲洽於綿永。固將有以披陳。切緣馬橋關南。是石晉所割。迨至柴氏。以代郭周。興一旦之狂謀。掠十縣之故壤。人神共